



**ANA KAINIBAIRE TE BAU AO TE
KAUNTIRA IAON MAIANA IBUKIN
KAMANOAN AO KAWAKINAN TE
MARI MAI TAARI AO AONTEABA
2020 - 2022**



TE RONGORONGO AE KIMOTOTO AO E KAKAWAKI

E kairaki ao man barongaaki karaoan te Kainibaire aio iroun te Botaki n Unimwane iaon Maiana, ae e ataaki n arana ae 'Te Bau n Maiana' ao te Kauntira ma ana ibuobuoki te Tautaeka n Kiribati rinanon Te Botaki n Mwakuri ibukin Enwaromenta, Aaba ao Karikirakean te Ununiki (MELAD) ni boutokaaki iroun te Botaki ni Mwakuri ibukiiia Aine, te Roronirikirake, te Takakaro ao Kamweraoia Aomata (MWYSSA). E karaoaki te moan bobonga iaon karaoan te kainibaire aio inanon Nobembwa 2018 ao ni kamatoaaki n 19 Ritembwa 2019. E mwanenaki te mwakuri ae e bwanin ibukin karaoan, kabobongan ao kaotinakoan te Kainibaire aio man Aobitin Tararuan te Otabwanin rinanon te karikirake ae te Tania n Maiu n Kaitara Bibitakin Kanoan Boong (LDCF- **Te Tania n Maiu n Kaitara Bibitakin Kanoan Boong**)

TE MOANTAIEKA



I a tabeka te bwanaa n kakaitau ma raou n Unimwane ao kaain abau ae Maiana ibukin taian ibuobuoki ake a tia n reke iroura ibukin karaoan ao kabobongaara kainibaire n ara kaawa ao iaon abara ae Maiana iaon tararuaan ao kamanoan taian tongo ma marina ao marin aon te aba ma taari.

I a rimoa n karabwa te Minita n reitaki ma ana Tia Koroboki man te Botaki n Mwakuri ibukin Enwarometa, Aaba ao Karikirakean te Ununiki ibukin boutoka n kabane ake kam a tia n anga rinanon babaairean mwanenakin mwakuri n kabane ake a kabobongaa karaoan ara kainibaire aio are e bon mwanenaki rinanon ana karikirake ae Tanian te Maiu n Kaitarai Bibitakin Kanoan Boong kE (LDCF 1) are e mena iaan ana tararua Aobitin Tararuan Otabwanin.

I a reita naba bwanaau n kakaaitau nakoia taan mwakuri man Aobitin Tararuan te Otabwanin ao te MWYSSA ake a tia n kabanea aia tai, korakoraia ao rabakauia n karaoa te mwakuri n ikarekebai ma kaain Maiana ibukin karaoan ao kabobongan te Kainibaire aio. Kam bati n rabwa ao are ieta nanomi n ibuobuoki nakoira ngaira kaain Maiana n kabane.

I aki nanokokoraki bwa aio Te Kainibaire are e na mwakuriaki n taainako ibukin karababaan ara boutoka ao ara waaki n katamaroa iaon tararuan te otabwanin ma marina nako ake a kakawaki ibukin reitan maiura, ao are e na bon kabobonga naba arora n kaitarai rootaki man Bibitakin Kanoan Boong are ti a mena I nanona ngkai.

Au bau ma ngkami ana bau abara ae Kiribati are TE MAURI, TE RAOI AO TE TABOMOA.

Kam bati n rabwa ao Kam na tekeraoi.

A handwritten signature in blue ink, appearing to be 'E. R. O. J.' or similar, on a light blue background.

Te Katumara


Contents

TE RONGORONGO AE KIMOTOTO AO E KAKAWAKI.....	2
TE MOANTAIEKA	3
KABWARANAKOAN TAEKA AIKA A KIMOTOTO.....	5
MWABEN KIRIBATI.....	6
MWABEN MAIANA	7
OIN TE KANTANINGA	8
ANA KANOAN N MII TE BAU N MAIANA AO TE KAUNTIRA	8
TAEKA N KAUUKUKI	9
Rongorongon kabobongan ana Kainibaire Maiana	9
KABONGANAAN AO MWAKURIAN TE KAINIBAIRE	10
RONGORONGON TE TONGO IAON MAIANA	11
Taibora 1: Mwin te uniki tongo iaon Maiana	11
Mwabeni taabo are e maiu iai te tongo.....	12
TE KAINIBAIRE IBUKIN KAMANOAN AO KAWAKINAN TE MARI MAI TAARI AO MAI AONTEABA.....	13

KABWARANAKOAN TAEKA AIKA A KIMOTOTO


ALD	Agriculture & Livestock Division/Botaki n Ununiki
CBMMP	Integrated Comunity Based Mangrove & Natural Resources Co-Management Plan/Kainibaire ibukin kamanoan ao tararuan te tongo, marin taari ao aonteaba.
ECD	Environment and Conservation Division/Aobitin Tararuan te Otabwanin
KAP II	Kiribati Adaptation Program Phase II
LDCF	Least Developed Countries Fund for enhancing food security in the context of climate change./ Tanian te maiu n kaitara bibitakin kanoan boong
LMD	Lands Management Division/Aobitin Tararuan Aaba
MELAD	Ministry of Environment Lands and Agriculutural Development/Bootaki n mwakuri ibukin Enwaromenta, Aaba ao Karikirakean te Ununiki.
MIC	Maiana Island Council/ Te Kauntira n Maiana
MPA	Marine Protected Area/Taabo aika a kamanoaki/kainaki
MWYSSA	Ministry of Women, Youths, Sports and Social Affairs./ Botaki n mwakuri ibukia Aine, Roronrikirake, Takakaro ao Kamweraoia Aomata.

MWABEN KIRIBATI



Tamnei #1: Te mwabe ane i eta bon mwaben Kiribati are oti iai nnen te abwamakoro ae Maiana, are mena n te itera meang.

MWABEN MAIANA



Tamnei # 2: Mwaben te Abamakoro ae Maiana are a oti iai kaawana nako.

OIN TE KANTANINGA

1. Katean ao kamatoan te Oi-n-Tua iaon tararuan ao kamanoan te Tongo n ikotaki ma marin aonteaba ao taari.
2. Kaungaaia kaain te kawa nakon mwakurian unikan ao tararuan te Tongo
3. Te ikarekebai irouia kaain te aba ae Maiana ibukin kawakinan te Otabwanin
4. Kateimatoan te mari ma I taari man kaungaan unikakin te Tongo
5. Katean te rabwata n tararua ao n tutuo iaon te aba ae Maiana ibukin kateimatoan raoiroin te Otabwanin

ANA KANOA N MII TE BAU N MAIANA AO TE KAUNTIRA

- i. E na riki te aba ae Maiana bwa te aba ae e na teimatoa te Manguroro iai I aon te aba ao taari
- ii. E na maiureirei taian tongo iaon Maiana ae bwanin ao man korakora te mari ma I taari
- iii. E na riki bwa te aba ae e na teimatoa iai kaungaan unikan te aroka ae te tongo
- iv. E na riki te aba ae Maiana bwa te aba ae e bonnanao kamanoan ao tararuan maiun utun taian Tongo n aekaia nako ake a maiu iaon abamakoro
- v. E na teimatoa boutokakin te kainibaire ma Oi-n-Tua ake a tia n kabwataaki man rabwata aika a kakaokoro n kaineti ma kamanoan marin abara i aon te aba ao i taari
- vi. E na riki te aba ae Maiana bwa te aba ae e boboto maiuraomia kaaina man kateimatoan te Ununiki n kai n amarake aika a kakaokoro ake a kona n maiu iaon Maiana
- vii. E na teimatoa te mari iaona ngkai ao nakon taai aika a na roko

TAEKA N KAUUKUKI

Te aba ae Maiana e kinaki iaon Kiribati ae bwanin bwa te aba ae e kamanoaki iai taian tongo ma marina, marin taari ao aonteaba ake ana kona n mabiao mai iai tei Maiana. Kinaakina aio e kamatoaki n te tai are e katabwenaaki iai ana Kainibaire te abamwakoro ae Maiana are e aranaki bwa ana Kainibaire te Bau n Maiana ao Te Kauntira, ike a na ikarekebai iai n mwakuria.

E a tia Maiana n ikarekebai n boutokai ana karikirake te Tautaeka rinanon Aobitin Tararuan te Otabwanin n aanga aika a kakaokoro n kabongana oin korakoraia ma kaubwaia n mwakuri kanoan te karikirake ae te LDCF' Tanian te Maiu n Kaitara Bibitakin Kanoan Boong'

A bane n kabaeaki bwaaroko (ake tiaki kaain te kaawa ao irua) ake a kuba n roko ao n tiku iaon Maiana inanon te tai teuana ma teuana kakoroan ma mwakurian ao irakin naba nanon te kainibaire aio.

Rongorongon kabobongaana ana Kainibaire Maiana

E boboto katean ana kainibaire te abamakoro ae Maiana man karaoan te maroro ao rikoan rongorongoa aika a kakawaki n kaineti ma rootakin marin aia abamakoro ai moararariki rootakin marina ma i taari ao aon te aba. E kairaki aio man Aobitin Tararuan te Otabwanin ike e barongaaki iai karaoan taian maroro ake a waakinaki iaon te abamakoro ibukin katabwaninan kanoan te Kainibaire aio man ana boutoka te Bau ao te Kauntira n Maiana. E boboto te maroro iaon katebenakoan aia Oi-n-Kanganga kaain te abamakoro ake a kaitara ma ngaai n reitaki ma anga n ibuobuoki ibukin tobwaan kanganga aikai n bon oin korakoraia. Aobitin Tararuan te Otabwanin, e boboti rongorongoa aikai ao n kawenei bwa kanoan te kainibaire n ikotaki ma rongorongoa riki tabeua aika a kakawaki ake a katabwanina kanoan ana kainibaire te abamakoro are e na boutokaaki mwakuriana irouia te botannaomata ao te Kauntira ae bwanin iaon te abamakoro ae Maiana. Man imwiin tabwaninin mwakurian ana Kainibaire Maiana are e karaoaki man ana itera Aobitin Tararuan te Otabwanin ao e uotaki rikaaki nakon te abamakoro ibukin manga rinanoana imwaain raoi kabwataakina ao tiainaakina man ana itera te tautaeka ao te Bau n Maiana n ikotaki ma te Kauntira. Aio are e a katabwenaao n kamatoaa iai kinaakin ana kainibaire te I-Maiana are e bwaibwai iai te abamakoro kiaina ngke e kabobongaaki man oin ana konabwai ao korakoran te Bau n Maiana ao te Kauntira n Maiana n mwakuriiia katabwaninan te kainibaire aio ibukin boutokaan kamanoan ao kawakinan marin abaia.

KABONGANAAN AO MWAKURIAN TE KAINIBAIRE

Kabonganakin ao mwakurian te kainibaire aio e waakinaki iaon Maiana ae bwanin n aron are e oti n te mwabe n Tamnei#2 (nora te itera n baa i eta). Te mwabe aio are bon mwaben te aba ae Maiana n kinaakina bwa te tabo ae a kamanoaki iai taian tongo, marin aon te aba ao marin Taari akana a mwaneweaki inanon te Kainibaire ma te Oi-n-Tua. Te kainibaire aio e kona naba n buoka kabebetean ana mwakuri te Kauntira n Maiana n tobwai kanganga ao raraoma ake a noraki bwa ana roota te abamwakoro ae e bwanin. Te Kainibaire aio, e buoka ao e boutoka naba aia katauraoi kaain te abwamakoro ae e bwanin n totokoi ao n kauarerekei kanganga ake a riki man Bibitakin kanoan boong.

E boutokaaki mwakurian te kainibaire aio n ana Oi-N-Tua Maiana, are e karaoia Te Bau n Maiana ma te Kauntira ao te Botaki n Mwakuri ae Ministry of Women, Youths, Sport and Social Affairs ke MWYSSA. Katoton te Oi-N-Tua aio, ko kona n noria n te kabanea n baa (Annex 1). E na mwakuriaki kinakin te Oi-N-Tua aio iaon te abamwakoro iron Te Bau n Maiana ao te Kauntira, rinanon ana ibuobuoki te Kiraka, MELAD ECD ao MWYSSA ibukin kinakina nakon taian Tua n kabane n ana Botaki n Mwakuri te Tautaeka aika a kakaokoro, ake iai irekerekeia ma kanoan, kamatoan ao mwakurian te Oi-N-Tua aio iaon te aba ae Maiana.


RONGORONGON TE TONGO IAON MAIANA

Te tongo I Kiribati e bon maeu I mataniwiin te aba ao n taabo aika aoneinei. N te abamakoro ae Maiana ao bon ti teuana utun te tongo ae kuneaki n maeu iaona ae kinaki n arana ae 'Te Tongo'. Aio bon utun te tongo ae nang taotira iaon Kiribati ao e kuneaki n maeu n angiin abamakoro. Te uniki tongo bon teuana naba ma ibuakon ana kakamwakuri Aobitin Tararuan te Otabwanin are moa wakinana ma iaan te karikirake ae te KAP II, ao n reitakinakoaki n mwakuriaki iaan te karikirake ae te LDCF' Tania n Maiu n Kaitara Bibitakin Kanoan Boong. Imwin te kamatebwai are karaoaki n 2010 nakon maeun taian tongo ake a unikaki ngkoa iaan KAP II, ao e oti bwa e taotira riki te mwaiti ae maiu nakon are mate (3%). N taorimwin te kamatebwai n boong aikai ao e kuneaki bwa toongo ake a tia ngkoa n rang n maeu raoi a bane n mate, aikai ake a unikaki ngkoa iaan Tebwangetua. Aobitin Tararuan te Otabwanin e teimatoa n reitanako te mwakuri n uniki tongo iaan te karikirake ae te LDCF ibukin kakoroan nanon ana taakete are e na uarokoa karakanmwaitin te tongo ao te mari ma iai.

Taibora 1: Mwin te uniki tongo iaon Maiana

Bong n Namwakaina , te Tai	Utun te Tongo ae unikaki	Taan ira te ununiki	Tabo are unikaki iai	Mwaitin te tongo ae unikaki	Oin bukin te mwakuri/trip
4 Tuun 2010	Te tongo	Kaain te kaawa ae Toora ao Tebwanga, taan mwakuri man ECD	Tebwangetua, iaan te clinic	2124	KAP II program
24 th -29 th Okitobwa 2010	Te tongo	Kaain te Kauntira ao taan mwakuri man ECD	Bubutei and Tematantongo	2312	KAP II program
1 Nobembwa	Te tongo	Kaain kaawa, taan mwakuri man ECD	Maiana - Tematantongo	649 60 (karaiaiki)	N tain Karaoakin te CBMMP/Kainibaire
3 Meei 2019	Te tongo	Kain te roron rikirake man Tekaranga, F/3 man JSS, taan mwakuri man ECD	Tekaranga, iaan te Maneaba	865	Karaoakin te ISP
20 Ritembwa 2019	Te tongo	Kaain kaawa, taan mwakuri man ECD	Tebwangetua, n uakaan ma maneaban te aro	1500	Taorimwian te CBMMP

Mwaben taabo are e maiu iai te tongo



Tamnei # 3: Mwaben te tongo iaon Maiana ibukin 2012.

TE KAINIBAIRE IBUKIN KAMANOAN AO KAWAKINAN TE MARI MAI TAARI AO MAI AONTEABA.

Oi-n-kanganga	Katokan te kanganga	Tera ae e na uaiakinaki rekena?	Antai tabena?	Tera tabena
Kerikaakin marin taari (Ikarii, maebo ao te aua)	<ul style="list-style-type: none"> - E na tabuaki anaakin te ikabuti, n ana tai are e na ioa iai biana. (e kona n anaaki ngkana e a tia n ioa bunimoana) - Katean taabo n kaabung 	<ul style="list-style-type: none"> - E na oki marin abara 	<ul style="list-style-type: none"> - Unimwane - Te karo 	<ul style="list-style-type: none"> - Maroro ni kauring - E na kamatoa te tua
Anai tano iaon/mataniwin te bike	<ul style="list-style-type: none"> - E na katokaki ao a na katuaeaki aomata ake a nooraki n anai tano. 	<ul style="list-style-type: none"> - E na uaiakinakin okin tanon mataniwin te aba. 	<ul style="list-style-type: none"> - Unimwane - Kain te kaawa - Te Bau - Kauntira - Te Mayor 	<ul style="list-style-type: none"> - Te maroro iaan kaawa n katanoata aio - Kain te Bau ana kamatoa te tua ibukin te anai tano imataniwin te aba.
Karakon marin aon te riburibu (Bun, Nouo, Koikoi, Katura, nikatona ao koumwara	<ul style="list-style-type: none"> - Katabuan anakin te bun, man te O- n kabwebwe ake a kateaki - Tianakin anakin marin aon te ora ake tabeua irarikin te bun. 	<ul style="list-style-type: none"> - kaokakin marin aon te ora nakon are ma imwaina 	<ul style="list-style-type: none"> - Kaawa - Unimwane - Island Council - Mayor - Fisheries officer - Tautaeaka 	<ul style="list-style-type: none"> - E na kakoroi bukin ana baire aon te aba

<p>Kamangeange i taari n maangen te titooa/ ao taabo n bwaa</p>	<ul style="list-style-type: none"> - Karekean nnen maange iaon bao n mwamwananga ao katean tuua iaon kabwaroan bwaa I taari - Kakaean te kaa n anai maange (ibukin Maiana te boboto) - Kaungakin te karaobwai man maange (3Rs: reuse) 	<ul style="list-style-type: none"> - Maeuraoi - Marurung - Itiaki 	<ul style="list-style-type: none"> - Te Bau - Kauntira - Te kaawa - Te mweenga - Bootaki aika inaomata (Bootaki n aine) 	<ul style="list-style-type: none"> - Kamatoai tuua ake a karaoaki iaon bao n mwamwananga n reitaki ma kabwaroan bwaa I taari Reitaki ma ake tabeia aio ibukin tuan te Otabwanin - Reirei iaon rinanin maange ao aroia n kakaokoroaki n aia karinan nako. - Boutokaan te waaki n karaobwai man maange.
<p>Anaakin ika aika aki roko n tiaitiia aika a bon riai (nininwai) ao kabonakoan iika aika a uarereke (aki roko n te size ae riai)</p>	<ul style="list-style-type: none"> - Katabuan karaun aika a uarereke mataia(1 ao te itera n inti) - Totokoan karokoan karaun aika a uarereke mataia ao nnakin karaun aikai ngkana a roko iaon te aba (ake a uarereke mataia) 	<ul style="list-style-type: none"> - Maeuraoi - Kabwaia 	<ul style="list-style-type: none"> - Te Bau - Kauntira 	<ul style="list-style-type: none"> - Kamatoa te tua - Kakoroa nanon te tua

Akawa aika a kamamate ke a kaikoaki (Te kabora, te taumata ao te tebo n te kaeti)	<ul style="list-style-type: none"> - Te iraorao n akawa – Kurubu - Booti n akawa riki ibukiia taan tebo n te kaeti ana riai n iai CB radios, GPS etc n toka iai 	<ul style="list-style-type: none"> - E na uarereke mwaitin te kabuanibwai (mate) I taari man akawa akanne - Ena toki ke n uarereke te betinako 	<ul style="list-style-type: none"> - Taan tebo - Kaain te kaawa - Kaain te aba - Te botaki n akawa n te abamakoro 	<ul style="list-style-type: none"> - Ribotinakia ake a riaon te tua - Kakaean mwanenakin bwaai ni borau ao ni kamaiu ao karaoakin kataneiai
Buan Tabontekai (kaora)	<ul style="list-style-type: none"> - Katokan berotokoan te karikibwai I taari ke I mataniwiin te aba - Anaakin atibun aona 	<ul style="list-style-type: none"> - E na aki bua te kabwaia ke aba/bike ake a bon tia n riki mai mwaina 	<ul style="list-style-type: none"> - Kaain te kaawa - Te Bau - Te Kauntira 	<ul style="list-style-type: none"> - Riibotinakin te aomata ane e anai atibu ao tano
Te orooro	<ul style="list-style-type: none"> - Katabuan ao kainakin te orooro 	<ul style="list-style-type: none"> - Eaonga n teimatoa rawatan te ika 	<ul style="list-style-type: none"> - Mweenga - Bouanikaua Kaawa - Kauntira Abamwakoro - Te Bau 	<ul style="list-style-type: none"> - Ana karekeia ake a orooro iaan aia kaawa - Ena uotaki taekana nakon te Bau ke te Kauntira
Te akawa mai Tarawa	<ul style="list-style-type: none"> - Ana katokaki - Ena riai n katanoataki n te rerio ba aonga n ataia kain Tarawa aia oin tua kain Maiana imwain ae anganaki te tuua. - Katuaeakia ao kawaerakeaia ma aia bwai n akawa. 	<ul style="list-style-type: none"> - E na reke buokan te kauntira irouia man tuaia (mwane man tuua ake a kabwakaki) 	<ul style="list-style-type: none"> - Kaawa - Te Bau - Te kauntira 	<ul style="list-style-type: none"> - Ana kawariia ni kinaia ao ni kairiia nakon te kaawa/ te kauntira ibukin bairean taekaia.

Te korokai n aki unikaki boon mwiina (nii, kaina)	<ul style="list-style-type: none"> - E na katuaeaki n te kaawa - Kaboan mwin are koreaki (n unikaki) - Ana riai n unika 2/ukai imwin are a kabongana n koreia. 	<ul style="list-style-type: none"> - E na aki kee mwaitin te aroka 	<ul style="list-style-type: none"> - Te tia abaaba - Kaain te kaawa - Te Bau - Te Bowi 	<ul style="list-style-type: none"> - Bureitimaniia te kaawa - Anaakin tuaana
Akean uaan te nii	<ul style="list-style-type: none"> - E na riai n unikaki ngkana e a taraki ba e a toki maeun te ni ke e a uamate. 	<ul style="list-style-type: none"> - E aonga n ewa/mwaitite ben 	<ul style="list-style-type: none"> - Kaaro - Te kaawa 	<ul style="list-style-type: none"> - Kaungaakin te ununiki n te kaawa (te nii ao kai n amwarake) - Bubuti nakon te ALD buokaia iaon kabirimwakan te nii bwa e na ua
Buan tabon te kai are i Aobike (ieta)	<ul style="list-style-type: none"> - Unikan te tongo iaon te tabo anne 	<ul style="list-style-type: none"> - Mwengaraoi ao e na akea te kanganga nakon taai aika a na roko 	<ul style="list-style-type: none"> - Te kaawa - Te abamwakoro - Mayor/Clerk 	<ul style="list-style-type: none"> - Unikakin te tongo I mataniwiin te kaawa aei
Mwaitin marin taari ae katauaki uotakinakoana iaon temanna te bwatintia	<ul style="list-style-type: none"> - 2 bwaketi/30 kg n temanna (ika ae menai) - Teaina te baeki n raiti n taari ae mwau 	<ul style="list-style-type: none"> - E na teimatoa marin abara n aki bakataeaki 	<ul style="list-style-type: none"> - Kaain te abamwakoro - Te Mayor - Te Clerk 	<ul style="list-style-type: none"> - E na butiaki te kauntira bwa e na tararua te itera aio

Te koro tongo	<ul style="list-style-type: none"> - Katabuakin te koro-tongo. 	<ul style="list-style-type: none"> - Kabatiaan marin taari (te ika, te bun ao te koikoi) - Totokoan kanakinakoan mataniwin te aba 	<ul style="list-style-type: none"> - Unimwane - Kaain te kaawa - kauntira 	<ul style="list-style-type: none"> - Uaiakinan te mwengaraoi, te rau n aron taniara man angibuaka ngkana e teimatoa aki korean toongo - tarauan te koro tongo ao uteuten taari - Te ribooti nakon te Unimwane n te kaawa
Te anai ben	<ul style="list-style-type: none"> - Katokakin te anai ben n aki akaka 	<ul style="list-style-type: none"> - Te mwengaraoi 	<ul style="list-style-type: none"> - Kaubure inanon kaawa 	<ul style="list-style-type: none"> - ribooti - katuaeakia akana a urua te tua aio-anaiben.(100 nakon te bootaki)
Uruan ao Anakin te enga (te ane)	<ul style="list-style-type: none"> - E na tangira te tararua riki nakoia taan tebo bwa a na aki urua 	<ul style="list-style-type: none"> - Ngkana e bon tararuaki te enga ao e na bon teimatoa marin abara aio 	<ul style="list-style-type: none"> - Kaawa - Unimwane - Kauntira 	<ul style="list-style-type: none"> - Katuaeakia akana a urua te tua iaon aei
Kanakinakoan matawiin te aba	<ul style="list-style-type: none"> - Kona bon katea am bono ae uarereke ae ena aki urubwai ao e na ira raoi kawain te kateibono man te tautaeka 	<ul style="list-style-type: none"> - Mwengaraoi - Uarereken te kanakinako 	<ul style="list-style-type: none"> - Kaaro - Kain te kawa ni kabana - Botaki n unimwane (Te Bau) 	<ul style="list-style-type: none"> - Ana karaoi aia bono ao buibui i tanrioia (maeao) - Ana kaungaa karaoan boono aika ana aki urubwai nakoia ake irarikiia

Iekakin aon te aba n te iabuti ao te nao	<ul style="list-style-type: none"> - Katei buibui - Bono - Uniki Tongo 	<ul style="list-style-type: none"> - maeuraoi 	<ul style="list-style-type: none"> - Kain te mweenga - Unimwane ao te kaawa - Mayor ao te Clerk - Tautaeka 	<ul style="list-style-type: none"> - Te bonnano - Mwakurian te uniki tongo ao te katei buibui irouia kaain mwenga
Akean uaan taian nii man ana urubwai te kimoa	<ul style="list-style-type: none"> - Niiran oin te nii n te kaabwa 	<ul style="list-style-type: none"> - Te maeuraoi - Te kabwaia 	<ul style="list-style-type: none"> - Te mweenga - Te kaawa - Abamwakoro - Mayor ao te Clerk - Ununiki 	<ul style="list-style-type: none"> - Kainanoan ana buoka te ununiki
Ana urubwai te rube ao te tang-uoua (nakon karewe, banana, breadfruit etc)	<ul style="list-style-type: none"> - Kareaki ngkana ko noria - Tiriman n bwaina ae tauraoui. 	<ul style="list-style-type: none"> - Rikirake uaan ara mai ao arokara tabeua, ao ana maeu raoi 	<ul style="list-style-type: none"> - Kaaro - Botaki ni unimwane ao bouanikaua - Kauntira ao te Bau -Te ununiki/ALD 	<ul style="list-style-type: none"> - Boutokaan te tararua - Kakoroan bukina
Ana urubwai te kamea	<ul style="list-style-type: none"> - E na waaki te tiri kamea - E na kaakeaki te kamea aine - Kororatoaki te kamea 	<ul style="list-style-type: none"> - Uaiakinan te mweenga raoi 	<ul style="list-style-type: none"> - Kaaro - Botaki ni unimwane ao bouanikaua - Kauntira ao te Bau 	<ul style="list-style-type: none"> - Boutokaan te tararua - Kakoroan bukina

Karaean maange aika aki mka (Katoto: plastic, Kimbi ao a mwaiti riki)	<ul style="list-style-type: none"> - Karekean taabo ni maange inanon kaawa - Manga kabonganaakin maange ake aki mka n angaia aika a bongana iai. - Kaungakin kaoakin kimbi ake a kona n mka ao ake a kona n manga uaatiaki. 	<ul style="list-style-type: none"> - Itiaki - Maeuraoi - marurung 	<ul style="list-style-type: none"> - kaaro/ tiina - tia babaire/ unimwane - Bootaki n aine - Bootaki aika a inaomata ke Communities 	<ul style="list-style-type: none"> - kaumakaia natia ibukin te kaitiaki ao kaokoroan maange ake aki mka - karaoan te tua ibukin tararuan te kaitiaki - tutuoana bwa ena karaoaki nanon te kaitiaki - Boutokaakin karaobwai man maange aika a aki mka. - Kakaean aanga n karekemwane ake a kona n reke iai karaobwai man maange.
Rotakin ke tarikan te ran	<ul style="list-style-type: none"> - Katean autin mwanibwa/ oona - Bonotan matan mwanibwa 	<ul style="list-style-type: none"> - maeuraoi - marurung 	<ul style="list-style-type: none"> - kaaro/tiina - tia babaire - Unimwane 	<ul style="list-style-type: none"> - Kateimatoan raoiroin autin te mwaniba/oona - Kateimatoan bonotan matana bwa ena mano raoi
Te nako taari i buakonikai ao iaon te bike	<ul style="list-style-type: none"> - Ena boonano te kaawa bwa e na toki te nako taari I buakonikai ao iaon te bike - Ena kateaki taian kai n rairaki ni kaawa - Ena kateaki tuua nakoia taan rairaki n aki akaaka 	<ul style="list-style-type: none"> - Te marurung - Te itiaki n te kaawa - Te buoka man te tautaeka ibukin te kaawa ke te kauntira ibukin katean taabo n 	<ul style="list-style-type: none"> - Karo/tiina - Tia babaire - Unimwane - Kain te kaawa - Kauntira - kamwegaraoi 	<ul style="list-style-type: none"> - E na kateaki tabo n rairaki n auti nako - Ena buokaki karaoan te boo - Kakaean mwane ni buoka

	- E na katoaaki mweenga n te kai n rairaki	rairaki ake ana tau mwaitia - Te toronibwai - Te mwengaraoi		- Katuaeakia te koraki ake a urua te tua iaon aei.
Aki tararuakin toongo ake a tiba unikaki	- Ena kateimatoaaki tararuakina ma irouia kaain te kaawa	- E na maeu te tongo ake a unikaki ni kaitara kanakinakoan mataniwiin te aba - Te maiuraoi n te kaawa - Teimatoan te aba ba ena aki kanakinakoaki	- Kaain te kaawa - Te Bau - Te kauntira - Te tautaeka	- Te tararua - Kamatoan te tua -
Karakon te ununiki (Tenii te kaina, te bero, te mai, ribana te bwabwai	- Ti na bane n ununiki ao n ribana	- Te maeuraoi	- Kaawa/utu	- Babairean te tai n ununiki ke riban
Kauraura (buakonikai ao n aki akaaka)	- E na bonnanoaki bwa ena taraaki te tia kauraura n te kaawa ao e na katuaeaki	- E na katanaki maeun kai n amwarake aika bongana ibukia kaain te kawa	- Karo/tiina - Tia babaire - Unimwane - Mayor ao Kauntira - Bureitiman	- Ana katuaeaki taan urua te tua iaon aei. - Te riibooti - Te tia kauraura e riai n kauraura n te aro ae riai ao e na aki karekea te rubwai ke te mwengabuaka nakoia kain rarikina